

Na osnovu člana 104. stav1. al. 11. i 15. Zakona o zdravstvenom osiguranju ("Službene novine Federacije Bosne i Hercegovine", br. 30/97, 07/02, 70/08, 48/11 i 36/18), člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) i člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj: 69/05), a u vezi tačke IX Odluke o utvrđivanju osnovnog paketa zdravstvenih prava („Službene novine Federacije BiH“, broj: 21/09), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 92. sjednici uz elektronsko izjašnjavanje članova Upravnog odbora od 08.04.2020. godine, donosi

ODLUKU

o obustavi primjene

Odluke o sufinansiranju pruženih zdravstvenih usluga i nabavke lijekova

Član 1.

Obustavlja se od primjene Odluka o sufinansiranju pruženih zdravstvenih usluga i nabavke lijekova broj: 02/I-01-1-1572-1/19 od 23.04.2019. godine i broj: 02/I-01-1-4108-1/19 od 26.11.2019. godine (u daljem tekstu: Odluka o sufinansiranju).

Obustavi iz prethodnog stava se pristupa radi neizvjesnosti ostvarenja planiranih prihoda u 2020. godini koje je izazvano dešavanjima u vezi sa koronavirusom (COVID-19) i okolnostima koje iz toga proizilaze, a vezano za službeno proglašenje pandemije od strane Svjetske zdravstvene organizacije od 11.03.2020. godine, donošenje Odluke o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine i donošenje Odluke o proglašenju stanja nesreće zbog koronavirusa na području Federacije BiH od strane Vlade Federacije BiH od 16.03.2020. godine.

Član 2.

Odluka o sufinansiranju iz prethodnog člana se obustavlja dok traju okolnosti navedene u članu 1. stav. 2. ove Odluke, odnosno dok se ne upostavi redovan priliv finansijskih sredstava koji će ponovno omogućiti sufinansiranje troškova u smislu Odluke o sufinansiranju.

Po prestanku okolnosti i upostavi redovnog priliva finansijskih sredstava navedenih u prethodnom stavu, Upravni odbor Zavoda zdravstvenog osiguranja i reosiguranja Federacije BiH će donijeti posebnu Odluku kojom se stavlja van snage ova Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

Član 3.

Zahtjevi podneseni do stupanja na snagu ove Odluke, razmatraće se na način i u skladu sa Odlukom o sufinansiranju dok će se zahtjevi podneseni nakon stupanja na snagu ove Odluke razmatrati po ponovnoj uspostavi primjene Odluke o sufinansiranju.

Ova Odluka stupa na snagu danom donošenja

Broj: 02/I-01-1-1198-1/20
Sarajevo, 08.04.2020. godine



Predsjednica U.O.

Cvetana Bodnaruk, dipl.iur.

Obrazloženje

I-Pravni osnov

Pravni osnov za donošenje ove Odluke sadržan je u odredbi člana 38a stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) kojim je propisano da se „Općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana, kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini".

Takođe pravni osnov za donošenje ove Odluke sadržan je i u odredbi člana 104. Zakona o zdravstvenom osiguranju te članu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te , između ostalog i „raspoređuje sredstva federalne solidarnosti po utvrđenim namjenama " i „donosi druge akte neophodne za poslovanje federalnog fonda solidarnosti" odnosno „vrši i druge poslove za koje je ovlašćen zakonom, podzakonskim, općim i drugim aktima).

II- Razlozi donošenja

Kako je poznato službeno je proglašena pandemije od strane Svjetske zdravstvene organizacije od 11.03.2020. godine, donošena Odluka o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine i donesena Odluke o proglašenju stanja nesreće zbog koronavirusa na području Federacije BiH od strane Vlade Federacije BiH od 16.03.2020. godine.

Dešavanja u vezi sa koronavirusom (COVID-19) i okolnosti koje iz toga proizilaze,dovode do neizvjesnosti ostvarenja planiranih prihoda u 2020. godini što može ugroziti i redovno finansiranje troškova pruženih zdravstvenih usluga i nabavke lijekova za prioritetne federalne programe zdravstvene zaštite, odnosno prioritetne najsloženije oblike zdravstvene zaštite iz određenih specijalističkih djelatnosti utvrđene tačkom IX Odluke o utvrđivanju osnovnog paketa zdravstvenih prava, odnosno utvrđene Odlukom o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05, 11/07, 44/07, 97a/07, 33/08 i 52/08) odnosno odredbama Pravilnika o uslovima i postupku upućivanja osiguranih lica na liječenje u inostranstvo („Službene novine Federacije BiH“, br:93/13, 102/15, 16/19 i 22/19), a koje u ovakvoj situaciji, svakakao ima prioritet.Iz tih razloga i donosi se Odluka o obustavi primjene Odluke o sufinansiranju.

III- Obrazloženje pravnih rješenja

U članu 1. Odluke o obustavi primjene Odluke o sufinansiranju pruženih zdravstvenih usluga i nabavke lijekova (u daljem tekstu: Odluke o obustavi primjene Odluke o sufinansiranju) navedeno je da se ostavlja od primjene Odluka o sufinansiranju te se navodi da se obustavi pristupa radi neizvjesnosti ostvarenja planiranih prihoda u 2020. godini koje je izazvano dešavanjima u vezi sa koronavirusom (COVID-19) i okolnostima koje iz toga proizilaze .

U članu 2. Odluke o obustavi primjene Odluke o sufinansiranju se navodi da se Odluka o sufinansiranju obustavlja dok traju okolnosti navedene u članu 1. stav.2. ove Odluke,odnosno dok

se ne upostavi redovan priliv finansijskih sredstava koji će ponovno omogućiti sufinansiranje troškova u smislu Odluke o sufinansiranju te da će po prestanku okolnosti i upostavi redovnog priliva finansijskih sredstava, Upravni odbor Zavoda zdravstvenog osiguranja i reosiguranja Federacije BiH donijeti posebnu Odluku kojom se stavlja van snage ova Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

U članu 3. Odluke o obustavi primjene Odluke o sufinansiranju se navodi da će se zahtjevi podneseni do stupanja na snagu ove Odluke, razmatrati na način i u skladu sa Odlukom o sufinansiranju dok će se zahtjevi podneseni nakon stupanja na snagu ove Odluke razmatrati po ponovnoj uspostavi primjene Odluke o sufinansiranju.

U članu 4. Odluke o obustavi primjene Odluke o sufinansiranju se navodi da ova Odluka stupa na snagu danom donošenja.